

պետք՝ 2 այլ ընկերօք ելին յերուսաղէմէ գնալ յաշխարհն
 Եթովպացոց, իրր գտանել օգնութիւն Աթոռոյն. և իբ-
 րեւ հասին ՚ի Քերրոն, զի ճանապարհ Ապուղօշի և Գա-
 ղայու խափանեալ էր, կալան զնոսա Շէյխք տեղւոյն եւ
 արգելին՝ և առեալ ՚ի նոցանէ 180 դահեկան՝ արձակեցին.
 և նոցա ընկերացեալ ուղտապանաց հասին ՚ի Սփէյիշ և ան-
 տի նաւեցին ՚ի Ճիտտէ. տաքնապեցան անդ ՚ի սաստիկ
 ջերմութենէ կլիմայի երկրին եւ ՚ի նուազութենէ հացի,
 եւ անտի նաւեալ հասին ՚ի նաւահանգիստն Մասուայ.
 զինի երից ամսոց ծախեալ ըսեալս 400, եւ կարօտեալ
 դրամոց վաճառեցին ՚ի կէս գին գերկու մատանիս և զմի
 ժամացոյց, 300 ըսեալ, և անտի դէմ եղին գնալ ՚ի սահ-
 մանս Հապէշաց, ուտելով զալիւր Բէֆ անուն խոտոյ,
 սեաւ և ժահահոտ. Տեսուչ վարդապետն Հապէշաց՝ Ապ-
 տիւլ Մէսիհ, որ նստէր յերուսաղէմ, գրեաց յեղիպտոս
 առ Պատրիարքն Ղպթոց, թէ գնացին աստի սմանք ՚ի վար-
 դապետաց Հայոց յԵթովպիա յափշտակել զիշխանութիւն
 ձեր և զվիճակ՝ և աքսորել զեպիսկոպոսն օր անդ, և իրրու
 թէ իշխանք երկրին գրեալ իցեն յերուսաղէմ առ Հայս
 և խնդրեալ ՚ի նոցանէ զառաջնորդ, չընդունիլ այնուհե-
 տեւ զօք ՚ի Ղպթոց. Պատրիարքն փութանակի ազդ արար
 զիրոն եպիսկոպոսի տեղւոյն, որոյ անունն էր Գէորդ, և
 պատուիրեաց նմա ըմբռնել զվարդապետն, չարչարանօք
 և լլկանօք դարձուցանել յետս. զայս ամենայն յետոյ պատ-
 մեաց վարդապետաց Թարգման եպիսկոպոսին Միքայէլ
 անուն. Եպիսկոպոսն առաքեաց ՚ի սահմանադուին զարս
 երիս, եւ կալեալ զնոսա կապեցին երկաթի կապանօք եւ
 թողին անդ ՚ի լեառն, յետ քառասուն աւուրց լուեալ
 իշխանին Ատուայի աղատեաց զնոսա և տարաւ ՚ի քաղաք
 իւր կողոսկտեալ զինչս նոցա, բաց ՚ի հանդերձից, զոր ըզ-
 դեցեալ էին. ետ ընթեռնուլ զկոնդակ նոցա, և իմացեալ
 ծանեաւ թէ յոր գործ եկեալ էին, և պահեաց զնոսա խը-
 նամօք առ իւր, և տայր նոցա մի եզ ՚ի կերակուր բաւա-
 կան երկուց աւուրց, և երբեմն հրաւիրէր զնոսա ՚ի սեղան
 իւր. Լուեալ զայս եպիսկոպոսին կատաղեցաւ խապաւ, և
 ելեալ գնաց առ իշխանն, և խնդրէր զվարդապետն տալ
 ՚ի ձեռն իւր զի կուրացուցէ զաչս նոցա, եւ նա ոչ էառ